


MULALELO

 . . . Mulena. Mi mu luswalele kuli haluna lipula za kuinisa sicaba, mi ku baba ku—ku kutisizwe, kuzwela fande. Ni utwile fela, fa nako nyana yefitile, ko ne lu lukela kuba ni sibaka sa lipapali za mibili mwa New Albany, sani mwendi ne si ka kwana batu babakuma fa sili sauzande. Kono luna fela nelu . . . Ancafazo neli fela ya sicaba nyana sa keleke ye kwanu. Mi—mi lu inzi fela bukaufi ni nako ya kutaha kwa hae cwale. Mi lutabile hahulu ku mibona mina kaufela moo.

² Haiba ha Ni fosi, Ni bona muzwale wakwa Georgia fa. Muzwale, hani sa ziba libizo la hao cwale; Palmer, yazwa kwa Macon Georgia. Lu tabile kuba ni wena kwanu, Muzwale Palmer.

Muzwale Creech, kwanu kwa pata, lu tabile ku kubona.

³ Mi Ni ziba kuli kokuñwi mwa muyaho mo kuna ni Dokota Lee Vayle, alimuñwi wa batusi ba—ba mukopano wa kwa Lima, Ohio, kwani ku ba . . . Ki mulisana wa keleke ya First Baptist, hape ki—ki mulikana ka luli. Naliteni kwa ndu kuna kacenu, mi utilo pota hamoho ni luna mwa mukopano. Luna mane, leliñwi la masihu, lu ka mu nanula kuli abulele manzwi nyana. Ne ni lika kubata kuli ange sibaka saka busihu boo, akutaze, mi a hana. Kacwalo lwa sepa, mwendi, kuli mwendi kamuso busihu, kamba nako yeñwi, Muzwale Vayle kamba babañwi ba . . . ba ka kona kubulela linzwi kamba amabeli, kuama hakulata za mukopano kamba nto yeñwi kwani, kaufela sa ka beya Mulena fa pilu ya hae.

⁴ Kuna ni babañwi fela mo bo Ni tabela kuli kambe ne Ni ka biza ka mabizo kaufela, kono lutabile ka kuba mo kwa mina. Ni bona alimuñwi wa balikani kwa mulaho kwani, ili sikwata sa bakutazi se si tile, bene bappota ni na musihali wo, yazwelela kwa Arkansas hape ni kwa Missouri.

⁵ Mi cwale, busihu bo, lu bata ku liulula nako, kakuli busihu bufi kaufela lu ka lika kufeza ka naini kiloko, haiba ku konahala. Busihu bo ki busihu bwa Mulalelo, kacwalo ikaba fela ka kuliyeha hanyinyani kufita kamita.

⁶ Kamuso busihu, haiba Mulena alata, Ni bata kukutaza zakuli: *Mube Baba Petehile* ni *Sitabelo Se Si Petehile*, kamuso busihu. Mi, cwale, lani ki la Bufaifi Lelinde.

⁷ Mi cwale la Pelekelo busihu ki *Za Kepelo*, haiba Mulena a lata.

⁸ La Sunda kakusasana, ki sebelezo ya Kupazula kwa lizazi ka sikisi kiloko. Mi ka teni kiloko, ki sebelezo ya kolobezo. Mi ka teni-seti, ki tuto ya sikolo sa la Sunda, ya zuho.

9 Mi la Sunda busihu, ki sebelezo ya kamita ya foliso inge mo lubelanga kwa—mwa simu ya kuhasanya evangeli.

10 Kacwalo, cwale lusepa kuli mukatisa balikani ba mina ba baezalibi, ni zeñwi cwalo, mi ba tahe babe ni luna, mi mu lutuse mwa mukopano otaha wo . . . zwelopili ya mukopano wo, nitaluse.

11 Ni na ni Bibeles yenca, busihu boo, yefilwe kuna ki yomuñwi, muzwale wamu Dunkard. Mi kinto yende luli. Ki nako yapili ye Ni kile nakutaza fateni kuyona. Ki nto yeshutani kuna.

12 Cwale, Ni ziba kuli lukopani ka mulelo, foo kikuli, ki—ki kuhulisa mulelo wa Krete, mi fa kufumana kozo mwa myoyo yaluna, ni ku lueza baana babande ni basali, batanga babande ba Mulena. Mi haiba lutezi mulelo omuñwi, kupalañi, mi haluna ku fuyolwa ki Mulena. Lutile kwa tuso. Lu tile, lu talimezi ku Mulimu. Mi ye ki ndu ya sikuluho, koo Mulimu alufa kwa limbuyoti za Hae, ni ku lu sikulula kwa mafosisa.

Cwale fela lu si ka kwalula kale Linzwi, kamba—kamba kukupa Moya o Kenile ku lutusa, ha lu inamiseñi litoho zlauna.

13 Ndate Yafuyozwi wa Lihalimu, mwa Kubateni kwa Hao Kokutuna luipa ili luna cwale, sina bateelezi kwa Evangeli, mi sina babuleli ba Linzwi; sehulula ka mupato milomo yebulela, ni lizebe ze utwa, ni lipilu ze amuhela. Mi cwale Moya o Kenile u abele ku luna, busihu boo, ni kukenya ku luna Niti ya sishemo sa Kuyakuile sa Mulimu, ku mañi ni mañi wa luna; kuli, ha lu ta zwa mwa muyaho mo, busihu cwana, lu bulele sina bani babazwa kwa Emausi kuli, “Kana lipilu zaluna ne li sa cisi kuluna, kakuli Na ambola ni luna mwa nzila?” Kakuli lu kupa ka Libizo la Jesu. Amen.

14 Mwa Buka ya Evangeli ya Muñoli Mateu, mwa kauhanyo ya 26, timana ya 27 ni 28, ka palo ye Ni bata kubala.

A nga sinwiso, mi ki ha lumba, ni ku lifa kubona, mi ali, Munwele mwateni kaufela;

Kakuli se ki mali aka a testamente yenca, a sululelwa babañata bakeñisa swalelo ya libi.

Kono Ni li ku mina, Hani sana kunwa ku se si beiwa ki kota ya veine, mane kufite lizazi le Ni ka sinwa ni mina ili se sinca mwa mubuso wa Ndate.

15 Mi cwale lu ka ambola fa taba yakuli: *Mulalelo*. Mi bo kona busihu bwapili bwa mulalelo.

16 Mi mulalelo no tomilwe, pili, mwani mwa Egepita, makalelo a mulalelo, yeneli yona ya—ya ngunyana ya paseka ye tabilwe, yeneli mufuta wa Krete. Mi buñata bwa luna lwa ziba hande likande la kale, la ka mo ne ba icezi kwani, ba zamaya mwa lihalaupa ka myaha ye mashumi amane. Mi ha ba yo kuta, nekusina niheba ya fokola mwahala bona. Mi kwani, niheba

liapalo zabona ne li si ka comoha bwanda, ka myaha ye mashumi amane Mulimu a li babalela.

Ha ki sepo kwabunde ni kufuyolwa yeluna busihu boo! Haiba woo kona mufuta wateni kona kuli Kreste ki mufuta usili. Mi ka mo Mulimu na lamulezi bana bani!

¹⁷ Mi, mo ne ba cela mulalelo wani, nekuna ni shutano mwahala bupilo ni lifu. Bani bene bali mwahali, mwatasi a mali a suluzwi, ba ca mulalelo. Hakuna yana cile mulalelo kwande a mali a suluzwi. Mali a ngunyana na suluhile pili, mi kona alambiwa fa mwambeso ni fa sikwalo. . .mwambeso ki kota ye beiwa fahalimu, ni ka sikwalo. Mi cwale ngunyana ne i besiwa, mi neiba . . .mi—mi ne i ciwa ni miloho yebaba, mi ne ba itama mwa liteka. Kasamulaho wa kusulula mali, mi ne ba shela mwatasi a mali a suluhile, ne ba itama makanda ni kucaula.

¹⁸ Mi cwale ki siswaniso sesinde hahulu busihu bo sa batu baba ca mulalelo, ha ki kutamahana kamba kuipumana mwa lika za lifasi ni hanyinyani. Ba swanezi kutaha mwatasi a Mali, pili, ni kukeniswa kwa sibi kaufela, ili kona ku sa lumela; mi ni kuapala kwa mahutu likatulo za Evangeli, banze ba tinili lilwaniso kaufela za Mulimu, balibelezi kubizwa ka nako kaufela.

¹⁹ Mi neli si—si sisupo sa lingeloi la lifu ne li sa fiti mwatasi a mali ani. Lingeloi la lifu ne li pahama ni kufita fa halimwa mali. Mi fani kona fa na ngile susumezo muloki, hanaize, “Ha Ni bona Mali, Ni ka mi fitelela.”

Neli bukaufi ni hola ya tukuluho ha ba amuhela mulalelo, ni—ni ngunyana ye besizwe ni—ni miloho yebaba yene baca basika funduka kale.

²⁰ Cwale, mwa mufuta o shutana o lusweli kuambola zateni, neli myaha yemiñata ñata, busihu boo, fana ti lo cela Jesu ze lubiza kuli silyela sa Mulena, ona mulalelo. Mi kuna ni sesiñwi ka yona, seo, Na bata kubulela ni balutiwa ba Hae. Mi a si ka ya kale, Na bata ku ikambota ni bona ka zona. Mi ki za. . .Ne ba lukisize sibaka sa milapelo. Neli nako ya milapelo. Mi mulalelo utisa kutwano ya milapelo.

²¹ Mi buñata bwa likeleke li “kwalile” mulalelo, fo kikuli, kwa keleke yabona fela ha ba nani mulalo wabona. Kono kwanu ha lu kopano batili. Luna ni mulalelo o kwahezi batu, kamukana, kakuli lu lumela kuli mulumeli ufi kaufela una ni tukelo kwa tafule ya Mulena, ni kukopanela kwa lika zende za Mulimu, ni mulumeli ufi kaufela, hakuna taba ka tuto ya hae, mubala, kamba kaufela sakona kuba sona. Kuli, kaufela ba nwisizwe kwa mbuyoti yeswana luli, yeli Kreste!

²² Cwale, hola tuna ye ne i atumezi Mulena luna, iliñwi ya linako za muliko omutuna mwa musipili wa Hae kaufela wa mwa lifasi neili fakaufi. Nako ya muliko! Jesu nafitile mwa miliko, sina ni luna mo lu fitelanga mwa miliko. Mi Bibebe ibulezi kuli,

“Mwana kaufela ya taha ku Mulimu, uswanezi ku likiwa pili, a lutiwe, a sikululwe.”

²³ Cwale, batu babañata, ibanga kangisano luli nako ya muliko ha itaha. Ki nako ya ku bonahalisa sibaka. Mi Bibe le iize, “Ha lu sakoni kuitiisa mwa miliko, kona kuli lu bana ba bunyazi,” lu bulela kuli Mulimu ki yena Ndata luna, mi kanti Ha ki Ndate. Kakuli haiba luna ni hande, ka lipilu zaluna kaufela, lu amuhezi Mulena Jesu kuba Mupulusi waluna, hakuna sika mwa lifasi mo kamba niheba mwa kuyakuile ko ku unsufezi sesikona—sesikona ku lu kauhanya kwa lilato la Mulimu lelili ku Kreste Jesu.

²⁴ Ni komokile mwa lizazi le, mi na komokanga kamita batu ha ba bulela kuli ki Bakreste, mi, ku sa taha fela muliko wapili o munyinyani, ba wela kwa tuko a nzila ku kanama. Si bonisa kuli neli fela zibo ya mwa toho ya Kreste. Ki kabakaleo babañata ha ba sa koni ku swalelela kacenu, kakuli ki maikuto fela a mwa toho. Ka toho fela, wakona ku Li lumela, kono Lina ni kufitelela foo. Ku amuhela Kreste, ki ku amuhela Mutu wa Kreste.

²⁵ Buñata bwa luna lu amuhela bulapeli bwa Bukreste ka kuituta tuto ya bulapeli. Babañwi ba amuhela Bukreste fa lituto za kolobezo. Babañwi ba lumela kuli ki Bakreste bakeñisa maikuto amañwi o ba bonisize, inge kuhuwa cwalo, kamba kubinela mwa Moya, kamba kubulela ka malimi, kamba kuba ni mpo yeipitezi ya kubonisa. Lika zeo kaufela ki zende mwa libaka za zona. Kono, ku amuhela Kreste, ki ku amuhela Mutu wa Kreste, mi cwale lika zeñwi zee li ka itahela feela.

²⁶ Cwale, haiba Mulimu a si ka katwa Mwana Hae Tota kwa muliko o situhu, konakuli Haana ku katwa wena ni Na kwa muliko o situhu.

²⁷ Mi Jesu na li fa inza talimana ni muliko omutuna wo Akile aba ni ona fateni, Getsemani ne iyemi fapila Hae fela, koo muliko wani omutuna mi wa mafelelezo uswanela kutaha, [Hakuna manzwi fa tepu—Mu.] kanti mitiyo ya lifasi loote ne i yendekilwe fa liheta la Hae le li fuyozwi. Nekusina ni yomukana mwa Lihalimu kaufela kamba lifasi ya na konile ku li lwala konji Yena. Ni ka kuziba kuli libi zatani kaufela, zona libi zakale, ni libi za cwale, ni libi za kamuso, ne li tizeyi fa buiketelo ona boo. Mi neli iliñwi ya litulo zetuna luli zeo Kreste akile akoma, kamba kubonisa Bumesia bwa Hae bobutuna, sina ha Na bulezi ku Mulimu kuli, “Isi tato Yaka; kuezwe tato ya Hao.” Yani neli tulo yetuna hahulu Yeo akile akoma. Madimona kaufela a nyandisa na liteni inza Mu kataza ni ku Mu lika.

²⁸ Mi cwale ha lu ba hande ni Mulimu, lipilu zaluna ha liba zesina bumaswe, mane Moya o Kenile so ngile sibaka sa Ona mwa lipilu zaluna, kona nto yabutokwa hahulu ka kuba ni muliko. Bibe le i lu bulelela kuli, “Kulikiwa kwa luna ni malaba a miliko ki zende hahulu ku luna kufita silivera ni gauda za lifasi lee.” Kacwalo, luna cwale, liswanela kuitumela.

²⁹ Ha ni bati ku ikenya mwa kutwisiso yaka fela ya buitati. Kono kuya fela sina mo li tahela mwa munahano waka, Ni hupula muliko waka omutuna mi wa mafelelezo one Ni bile ni ona wa kutwisiso ya Bukreste, neli kwani kwa sipatela sa kwa Spring Hill. Fani, musala ka ha na lobezi mwa mochari, ali fela situpu, mi kona ana sa zo zwa fela mwa bupilo boo, kuli abe ni Mulimu. Mi kulikiwa ni miliko yaba teñi! Isiñi fela mutu ya bulela kuli, “Billy, wena u mupikuluhi ya kenile.” Kamba, yeo ne si miliko yemituna. Mi ni miliko nyana yemiñwi yee, ni zeñwi cwalo, ya kuhanyezwa ki batu bone Ni beleka ni bona, ne si muliko omutuna cwalo. Kono hola yaka ya muliko tuna ya taha ni dokota, Adair (kuli Na mu bulelela zona maabani mwa sipatela ha lu yo ina hamoho), mi ha yo taha mwa muyaho ku to ni katanyeza, ni ku ni swala ka lizoho, ni kubulela kuli, “Billy, mbututu wa hao wa shwa, mi hakuna kolo yakuli apile. U kula tubercular meningitis butuku bwa kucisa hahulu kwa booko.”

Na li, “Kiniti kutokwa, dokota!” Mi bomahe ba lobezi, ki situpu feela!

³⁰ Mi Na kena mwahali. Mi ki hali, “Taha kena mwahali nina.” Mi lwakena mwa sibaka sa kupimela, mi mwani anopa komoki ya gilasi, mi a inyunga. Mi ne kubonahala mubala omuñwi cwalo mwateni. Ki hali, “Yani kona kokwani ya meningitis mi iku mbututu. Lu zusize ze mwa moongola, kuli lu nolofaze kupazuha mwa mata a mubili.” Mi ki hali, “Ku ze, lu fumani kuli ki tubercular meningitis.” Ali, “U i anyize ku bomahe.” Mi ali, “Haiba mbututu yo uka pila, ukaba sihole, wa manyando luli. Kono,” ki hali, “ka sishemo sa Mulimu, mbututu ukaba ni bo mahe.”

Na li, “Dokota, Ni bata kubona mbututu.”

Mi ali, “Ha ukoni kuezwa cwalo, Billy, bakeñisa Billy Paul, mushimani wa hao.” Ali, “U ka mu yambukiseza butuku boo ni yena.”

³¹ Mi, kasumulaho wa ku ni susueza ka bukwala luli mwa na zibela, ha yo zwa mwa muyaho, Na yo zwa kapili ni kukena mwa malibela. Mi ha Ni yo fita kwani, sipatela ka nako yani ne si si ka yahiwa sina mo si inezi cwale, mi lihauloo nelili fahalimu ni sikwalo ne si zwile, mi cwale linzinzi ne se likeni mwa meto a mbututu. Mi Na buka linzinzi fa mubili wa hae omunyinyani wani, kaufela no otepeta, mi mahutu a hae nasweli fela kukuta kwa mulaho ni kwapata. Mi Na li ku yena, “Sharry, mulatiwa, kana wa mu ziba tate?”

³² Mi kwa bonahala inge kuli nasweli kulika ku nyanyanyisa lizoho ku na; wa likweli ze eiti kamba naini cwalo za kupepwa. Mi Na mutalima. Mi na nyandile maswe maswe, mbututu yomunyinyani yasina mulatu, kufitela mane leliñwi la meto a hae a bundilu la eza mulenga. Neli butuku bobutuna luli! Oh, Ne ni ka ya ka nako kaufela, mwa sibaka sa hae.

33 Mi Na kubama fafasi ka mañwele, ni likwalo zali kukwaliwa, mi Na li, “O Mulimu, Ndate, mwani ku lobezi musala ka, mahe mbututu ulobezi mwani mwa ndu ya mochari ya malukula. Ki yani Billy Paul fa mumbeta, u kulile. Mi fa kiyo mbututu waka, wa shwa. Wena luli, Mulena, usike wa munga. Na mu lata. Mi musizana yo uswanile mahe. Ni bata ku mu zusa. Shangwe cwale Wena, O Mulimu, u pilise bupilo bwa mbututu waka?”

34 Mi ha Ni talima mwahalimu . . . Mi sina ha mu ziba kaufela, Ni mutu ya ipeile kuutwela lipono. Kwa bonahala inge shiti yensu yekala ku putuluha, inge itaha fafasi, mi inge kuli Mulimu ungile tapelo yaka ni ku ni nata yona mwa pata. Mi se Nili, “Kiñi se Ni ezize, Mulimu? Kikuli Ni foselize milao ya Hao, kuli Ni fiwe koto yecwana ye? Haiba ku cwalo, Aku ni patululele fela zona, mi Ni ka baka. Ni ka eza sika kaufela, kono usike wa nga mbututu waka.” Mi Na bona kuli na sweli kuya, kupale kumane. Na nanuha.

35 Mi cwale muliki ataha ku na. Yani neli nako iliñwi mwa bupilo bwaka kaufela, ye Ni kona kubulela, kuli neli nako yetata, Getsemane yaka. Hane Ni ittisa fela kuswala kwa mumbeta, diabulosi ali, “Kifo he cwale. Wo kona mupuzo wa kulika ku Mu sebeleza. Utalusa kuli Na ka shimba me yomunyinyani yani wa myaha ye twenti-tuu ya kupepwa, ni ku mu lobaza ali situpu mwa mochari mwani? Mi ni kanga mbututu yomunde, nama ya hao luli ni mali? Ni ku ku natisa tapelo ya hao mwa pata? Mi utalusa kubulela kuli uka Mu sebeleza?”

36 Ne ni yemi mwahala mihanano. Neina ni ku itakaleza. Mi se Ni beya lizoho laka fa toho ya hae, Na li, “Mulena u file, hape Mulena u ngile, kufuyolwe Libizo la Mulena!” Na to ikutwa hande.

37 Na li, “Sharry, mulatiwa, Tate hakoni kuya ko uinzi cwale, kono Tate wakona kutaha zazi leliñwi. Ni ku lobaza fa lizoho la Boma, ni ku kupumbeka, kono Tate u ka kubona hape zazi leliñwi.”

38 Bo. Isler, babaliteni mo cwale (Ha ni boni hande mwa sicaba), ki mubusisi wa kale mo mwa Indiana. Ne ni sweli kuya mwa nzila. Bo. Isler, Na sepa mwa hupula hande zeo.

39 Ne ni beile mazoho kwa mulaho, inge ni ya kwa mabita, kasumulaho fela wa muunda, inge ni lila. Ne ni yanga kwani manzibwana. Ne kuinanga liiba mwa kota, inge ini opelela. Ne kubonahala inge kuli kwatasi mwa likota zende mo ne kufuka moya obatelwa kwani, nekubonahala inge kuli pina yatani ne i sholoka mwahala zona, iopelwa kuli:

Kuna ni Naha mwabuse bwa nuka,
Ye lu biza bunde bwa kamita,

Lu fita fela fa likamba lani ka pulelo ya
tumelo;
Alimuñwi ka alimuñwi lu libile kwa likamba,
Teñi ko lu ka yo pila ni ba basashwi,
Zazi leliñwi ba ka liza milangu yende yani
kubiza wena ni na.

40 Bo. Isler, inge ba zamaisa simbayambaya sa bona sa kel, ba tula mwateni, ku to ni kambeka lizoho. Se bali, “Ni ku utwile ukutaza mwa makozwana a makululu, Billy; Ni ku boni unzo yemi mwa tabernakele; Ni ku utwile mwa lipina inge u opela; mo tunafalelize Kreste, so no bulezi kuli kona Sa li zona!” Ali, “Cwale U ngile bondataho, munyana hao, musala hao ni mbututu wa hao.” Ali, “Cwale U talusa sikamañi ku wena?”

41 Na li, “Bo. Isler, haiba A ni lumela kwa libaka za baba latehile, Ni ka Mulata ni kwateni! Kakuli, kakuli zazi leliñwi, kafoo mwa sitebule sa mashala, sesiñwi sa ezahala mwa pilu yaka, kuli mane hakuna se si kona ku si takula mwateni. Ne si nto isili yene Si tisize. Neli fela muhau wa Mulimu wa Kuyakuile ono ni sweli mwa hola ya keto yetuna!”

42 Mi cwale Mulena luna ya fuyozwi, mwa Getsemani, ha na ya kwani, ha Na li kwani-. . .ayo haniwa kwa Jerusalema, mi ba kansulu nebaka nga bupilo bwa Hae, kanti kobalibile kwa Kuyakuile kwa moyo kaufela, kuli bene baliteni kamba ba bakaba teni mwa lifasi, baitingile fa keto ya Hae.

43 Oh, mwa na bezi yomunyinyani, kubapiswa kusani! Mwa na bezi yomunyinyani wa hao, ka kubapiswa ku yani! Ha ki makeke ni ao kuli halukoni ku itiisa mwa lika zenyinyani ze!

44 Kono mwa hola tuna yani yesabisa, kufitela A nyanda, inza ziba lika kaufela, konji mane mezi ni Mali ha li kauhana mwa mubili wa Hae, ni mifufuzo yemituna sina Mali ya ngonga fa ñobyo wa Hae. Na shwile lifu lelibutuku mwa Getsemani kufita la Na shwile fa sifapahano.

45 Nali fela kwa nako ya kalulo yee, ndwa yetuna fela isika kalisa kale, mi Anga mulalelo. Atisa balutiwa ba Hae hamoho, ku to ikambota lika ni bona.

46 Mi cwalo kona Mwa ezeza ku wena ni Na, ndwa yetuna fela ya bupilo isika kalisa kale. Ndwa yetuna isika kalisa ya bunde ni bumaswe ku kolota mwahala luna, Mulimu ku lutisa kwa Getsemani. U lutisa kwa mulalelo, mi U ikambota ni luna ka zona.

47 Kwa Phoenix, Arizona, nekuna ni kakwata baopeli babalalu bene ba ni opelelanga kuli, “Ni tabela ku yo ikambota ni Jesu. Ni tabela kuyo bulela kuli, ‘Jesu, No ni latile nzila yaka ha ne ili fela yesisani. Ha ne ku unsufezi kuli Na palelwa kubona mwa nzila, Wa ni lata hane kuli lififi.’” Mi pina nyana yeo izwelapili kubulela, kuli, “Ni tabela ku ikambota ni yena nyana.”

48 Mi ki nto yende kuli baana ni basali ba lifasi le, luyemange kwateni mwa musipili wa bupilo, ni kuikambota nyana ni Jesu, kuba ni ngamboloo ni Yena, mwa kutwano. Mi cwale ndwa ya kalisa, ya tiko ni kulikiwa. “Mwana kaufela ya taha ku Mulimu, uswanezi ku likiwa.”

49 Cwale, mulalelo ha ki . . . mafosisa . . . ha u si ka felwa mulelo o banahana babañata kuli kona mo kuinezi. I lutiwa ki kopano yeñwi ya keleke, kuli mulalelo ubizwa kuli “liswanelo za mafefezezo,” kuli ki za puluso. Mulalelo hauna sa kueza ni puluso. Mulalelo ha u kufi puluso. Kamba mu icela ona mwa lifu la mina, kamba—kamba sikamañi, hauna sa kueza ni puluso ya hao.

50 Ki mukiti wa kupuzo. Jesu nabulezi, mwa Evangeli, Na ize, “Mueze cwalo munze mu Ni hupula.” Isiñi, kuyendamena kamba kusupa kwa puluso, kono ki kupuzo ya mukiti wa musebezi o felile kale ku wena, ka Moya o Kenile. Ki kupuzo.

51 Cwale kuna ni babañata bakuli, ha ki kupuluswa. Babañata ba canga nama ya paseka mi bashwela mwa lihalaupa. Mi bakona kuca mulalelo, kacenu, ba basike ba bona Mulimu.

52 Kono haukoni kuca kwa kwa puluso ya Hae kusina ku Mubona, kakuli puluso ki mpo ya Mulimu. Mi mulalelo ki kupuzo ya Sitabelo sesituna sene si ezizelizwe kuba puluso. Ki kulumeleza sicaba kubona kuli lu lumela mwa lifu, kupumbekwa, ni zuho ya Mulena Jesu Kreste. I yemela musebezi o felile.

53 Puluso nako yeñwi ne i si ka feliswa, mwa kutalekwa kwa lipuli, lingu, litole, mwa Testamente ya Kale, kakuli mali a mwa Testamente ya Kale na sa koni kuswalela sibi. Na apesa fela sibi. Na supeza fela kwa nako fo ne li ka felela. Kamuso busihu lu swanela kutalimana ni yona. Kono wani neli fela mufuta.

54 Kono cwale Jesu ha taha, mi Mali a Hae a suluha fa Kalvari, neli kulelekiwa kwa sibi ka kufezelela. A zwisa sibi kaufela. Kona mukwa fela unosi wa pulusi. Hakuna ku ikopanya kwa keleke, hakuna mañolo a kopano, hakuna kolobezo ya za sizo, hakuna mulalelo, kamba sesiñwi ku za sizo, kamba kalulo ifi kaufela ye siilwe ku za Mulimu, sina likalulo ze lukela kuba za puluso; zeo kaufela ki za kupuzo ya musebezi o felile!

55 Kolobezo ya mezi ha i kupilisi, sina batu mo ba hupulela kuli yakona kukupilisa. Kolobezo ya mezi ki kupuzo ya lifu, kupumbekwa, ni kuzuha kwa Mulena. Ha i ku pilisi.

56 Mulalelo ni ona u mwa kupuzo ya linyando tuna la Hae ni kungelwa kwa Hae, ni mubili wa Hae o natilwe, ni Mali a Hae a suluhile. Ha ki Mali sakata, ha ki mubili sakata; kono ki mwa kupuzo ya mubili wa Hae tota, ni mwa Mali a Hae amande. Mi lunga se kuba taelo, mi Jesu ululaezi kuli luezange cwalo. Haibile fela Asika taha kale, luswanela ku i canga.

57 Luna ni siswaniso sesinde, se si beilwe mwa Buka, sa Liñolo la Maheberu, mwa kauhanyo ya 7. Ni tabela kuba fela mwa siemba nyana mwa Maheberu 7, kuli ninge mayemo akuzamaya ni yona.

Kakuli yena Melekisedeke yoo, mulena wa Salema, muprisita wa Mulimu muambakani, yana katani Abrahama akuta kwa kubulaya malena, mi a mufola;

Ki yena ya filwe ki mupatriareka Abrahama mubingu wa . . . zona kamukana; pili ha ku taluswa ki Mulena wa kuluka, . . . kuzwa fo ki Mulena wa Salema, ili kutalusa kuli, Mulena wa kozo;

58 Mulemuhe, lubata kukuta kwa mulaho, ni kunahana. Paulusi fa usweli kuswanisisa ku mutu yomuñwi wa Testamete ya Kae. Mwa Buka ya Genese, lu fumana mwateni bupilo bwa Abrahama, kuzwelela mwa kauhanyo ya 12 ya Genese. Mulimu afa Abrahama sepiso, ni kuli ka Abrahama nekuka taha Peu ye lukile. Mi Abrahama, sina babañata ha ba lumela kuli nali Mujuda, na si cwalo. Abrahama nali wa Macaba, Mukaladeya yazwelela mwa muleneñi wa Ure. Mi aba mutanga a Mulimu, isi kuli na shutana ni babañwi, kono bakeñisa kuketwa kwa Mulimu.

59 Ha u si la piliswa kakuli u mutu yomunde. U pilisizwe kakuli Kreste u ku ketile. Hakuna mutu ya batanga Mulimu; Mulimu ki yena ya batanga mutu. Jesu naize, “Hakuna yakona kutaha ku Na haisi Ndate Kasibili amu bize pili.” Mi haiba lukona fela kuyema fa ka mizuzu nyana ni kulemuha butokwa bobutuna bwa yona taba yeo, kuli neli Mulimu Yana ku ketile, na sa tabeli kuli u shwe; kono akufa kolo, ni ku kubiza, mi a ku keta kuli ube mutanga Hae. Kihande, kinto mañi yekona kuba bunde kufita foo? Kusina wena kuba ni keto! Ikona kuba nto yetata kuli mutu abate Mulimu, kakuli yena cwale, kuya ka sibupeho, ki muezalibi, mi haana sika kuyena sa ku mu lakazisa kusebeleza Mulimu.

60 Kana wakona kuyela kulube ni kuibulelela kuli ifosize? Hanili ki kulube, ka sibupeho. Kana wa kona kuibulelela kuli lico zayona limaswe? Batili kutokwa. Ka sibupeho sateni, ki kulube. U ibulelele kuli ibe ngu, kono yona iikutwa hande kuba fela kulube.

Mi muezalibi u iikutwa kulikana sina muezalibi, kakuli sibupeho sa hae ki muezalibi.

61 Mi se fa! “Luka kaufela ku pepezwi mwa sibi, lu mwa sibupeho sa bumaswe, lutile mwa lifasi inge lu bulela buhata;” ka sibupeho, u mwana wa buhanyezi, yasina Mulimu, yasina sepo, buhali bwa Mulimu inge bu luinzi fahalimu. Mi ka muhau wa Kreste o lilato, Mulimu, ka muha wa Hae oipitezi ni mata a Hae asapalelwi sika, u ngongota fa pilu ya hao ni kukufa kolo ye

fuyozwi, ni kukufetula, ni ku kuluma fa musipili. U kona kuhana cwani zeo? U cinca takazo ya hao kaufela, wa ku fetula, ni ku kukalisa ka nzila isili! Oh, ukaba bukuba, kwa lifasi; kono uka fuyolwa, mwa meto a Mulimu. “Mbuyoti ki ya baba na ni tala ni linyolwa la kuluka, kakuli ba ka kuliswa,” kwa bulela Mulena luna Jesu Kreste. Mulimu, ka muhau wa Hae o makaza!

⁶² Mulemuhe, neli sa ezize kale Mulimu, yo abizize Mulimu. No sina tato ya kubiza. Nosike wa ba ni takazo ya kubiza, kakuli sibupiwa sa hao ne si shutana ku Seo. Kono Mulimu, ka kuketiwa, u kubizize ni kuku fetula, ni kubeya litakazo za hao kutalima Kreste ni lika za lwa Lihalimu. Lukona ku Li hana cwani?

⁶³ Mi Mulimu abonisa, ku Abrahamama, sa Na ka ezeza sicaba kaufela. Ha ki kuli sepiso yende ye ya zuho ni Bupilo Bobusafeli ne ifilwe fela ku Abrahamama, kono ni kwa Peu ya mwa mulaho wa hae, ya Bizizwe, bona Baketwa ba Mulimu.

⁶⁴ Mi lu lemuha kuli, Abrahamama kwani mwa masimu kwa na zamaile. Muzwale wa hae, na bizwa, Lota; yani luli neli mwana kezela hae. Mi nako ya taha ya muliko. Mi Lota a fokola bakeñisa muliko. Ki siswaniso se si petehile hande saa mulumeli wa nama kacenu. Miliko ha i taha, ya ku yo pila mwa naha yesina mununo, Abrahamama a mufa sibaka sa keto. Mi Lota ainula meto a hae mi abona masimu, musindi, mi no tezi fela bucwani mafulisezo amatuna. Nekuna ni hape mandu amande. Ne kutezi fela mbombolelwa. Hape ne kutezi ni sibi. Kono Lota, kakuba sibupeho sa nama, kulata lifasi la kacenu le kufita lika ze sa taha, a i ketela kupila mwa nyakalalo ya bupilo boo, kufita kuba ni Bupilo bobutaha kasamulaho.

⁶⁵ Abrahamama, mufuta o petehile wa mulumeli wa niti ya yapile mwa Mali a Ngunyana, yoo za na bata kaufela ne li za kwa lihalimu, ali, “Ni kaya ka nzila ya ba balikani baba kendilwe ba Mulena. Hakuna taba kamba ika ni feliseza kabubo, kamba i ka ni sinyeza sikamañi, Ni ka ya ka nzila ni babanyinyani ba Mulena.” Mi aketa kupila mwa sibaka mo Mulimu na mubeile, mwatasi a linako za muliko.

⁶⁶ Ha ni zibi busihu boo haiba Ni ambola kwa sicaba se si iketezi kuzamaya ni Mulimu, mi, nako ya muliko haitaha, mwa iketela kukutela mwa lifasi ni kueza lika za lifasi, kamba mungile nzila ya masulungundu ya puluso?

⁶⁷ Kikuli muezize sina Mushe, ha nali mwatasi a muliko, ha na beile lihutu la hae fa lubona lwa Egepita? “Kono, atalima kuli sifumu sa Kreste ki maluwo amatuna kufita bufumu kaufela bwa Egepita.” A hana Egepita, na si ka iseza ngana kwa buñata bwa gauda, ni buñata bwa kuzibahala. . . A nga Mulimu ka Linzwi la Hae ni kuhana lika za Egepita, atalima kushubulwa kwa Kreste kuli ki liluwo lelituna kufita sifumu sa mwa Egepita.

68 Luna luezanga cwani mwa muliko, ha ku taha miliko yetata? Ha ba bulela kuli kakuli u kauhani kwa lika za lifasi, bali u mufitelezi wa bulapeli, kana kutaha butata nji? Bu na ni kutaha, mi uswanela kuba ni keto.

69 Kono Ni tabela kupila mwa miluti ya Yamata kaufela, Ni tabela kuikela musipili mane, sina Jakobo, mwa na bezi ni musamo wa licwe. Ni ka itakaleza kutalimwa ki lifasi kuli, “ni sikuba,” kufita kuba ni bufumu kaufela ni limbuyoti zeo lifasi le likona ku fa. Kakuli, limbuyoti za Mulimu ki zetuna kufita bufumu kaufela ni gauda ni silivera ya lifasi lee! Cwale mulemuhe.

70 Mi cwale miliko yemituna ha itaha, Lota a yo kena mwa sibi. Muhupule, na zwile wa lilundu, kuliba mwa libala. A yo wa, inge mu . . . Ki siswaniso se si petehile sa Mukreste wa kacenu, mwa bizezwa, ya iketela fela kuya ka nzila ye bunolo, mumbeta obunolo wa lipalisa, kufita kuyema niti mwa nako ya muliko. Mi mafelelezo a yo kena mwa butata.

71 Mi ni wena, ukaba cwalo. Ha u keta mumbeta wa mafufa o bunolo, muhupule, u ka kena mwa butata, kamba nto yeñwi. “Libi za hao li ka ku katanyeza!” Mi Mulimu uka ku katanyeza, zazi leliñwi.

72 Mi zazi leliñwi mulena, malena babatuna ba Macaba ba libaka za kwahule, ba taha ku to hapa Lota ni bana ba hae, musala hae ni kaufela za na lu wile, mi ba mata ni zona.

73 Mi zazi leliñwi, mulikani ya fokola, ha u sa ini mwatasi a Mali, mibuso ya Satani i ka kunga ni kukuisa kwahule, ha u sa ini mwatasi a Mali.

74 Mi Abrahama, mufuta wa yalukile, na tokomela hahulu mwana munyana hae, sisupo hande sa Mukreste, wa luli ya likilwe ki kutatubiwa, mi ki ya bonisizwe.

75 Cwale, bahame nebana ni zeñata za kueza ni zona. Musala Lota neli wa nama, wa nama fela luli. U yemi kacenu mwa masimu mwani, sina musumo wa lizwai, sina maswabisa, ku baba fita.

76 Sarah, musali yomunde, na bata kueza zeo Mulimu na bata kuli aeze. Na kuteka muuna hae; sina, ha ne lubulezi hahulu ka zona maabani busihu. Mi aina ni Abrahama, hakuna taba ka ze ne taha kamba kuya. Aina ni yena kakuli napilile ni sepiso. Yeo kona taba.

77 Mi cwale Lota ha na ngilwe, pilu ya Abrahama ya mu tonda. Mi akopanya mpi ya batanga ba hae, mi alatelela muzwale wa hae. Mi ki mufuta omunde luli. Ba lwala mikwale yabona mi ba lemaka malena bani kuba bulaya, kuli mane kwatokwa kubanduka ni yomukana.

78 Mi wani kona mufuta wa mubuleli wa Evangeli, ha bona kuli sibi sisweli keleke ya hae ni kuswala sicaba sa hae. U nga

Evangeli yende yefuyozwi yani, ili Mukwale wa Moya, mi wa lipuma ni ku lipuma, kufitela apuma kwateni sibi kwa keleke ya hae, haiba ki mutanga wa Mulimu. U zusa mwateni bukuba kaufela, ni likomano, ni lusebo. U zwise mwateni lika kamukana za nama za lifasi ze hohobela mwa keleke, haiba ki mutanga wa niti wa Mulimu. U nga Linzwi, ni ku li lemaka kuzwa neku le ni neku leliñwi, kufitela a lemakile lika kaufela kwateni.

⁷⁹ Mi cwale ha na sa ngile Lota, muzwale wa hae yawile, ni bana, mi na ba kutiseza kwa kukutisana lipilu, mulemuhe, Mulena yomutuna yoo ataha zwelela mwa Jerusalema, mi amu katanyeza. Melekisedeke! Neli Muuna yacwani yani? Na bizwa “Mulena wa Salema.” Yeo, muituti kaufela uziba kuli *Salema* neli “Jerusalema.” Ne ibizwa Salem i si ka bizwa kale Jerusalema. Ki mañi Muuna yo ya na mu katani, yana hupuzi kuli nangile mihato yelukile? Mutu yo neli Mañi yana yemi bukaufi ni yena? Mutalime Yoo nali Yena.

. . . Ki *Mulena wa Jerusalema*, mi hape ki *Yena Mulena wa Kozo*;

Timana ya bulalu:

Kiyasina ndatahe, ni mahe, ni lusika, asina makalelo a mazazi, kamba bo bu felela bupilo; . . .

Kana Nduna yomutuna yo neli mañi ya to mukatanyeza kasamulaho ndwa ifela? Ha lu apuleñi mwa Genese, ya 14 timana . . . kauhanyo ya 14 ni timana ya 18.

Cwale Melekisedeke mulena wa Salema atisa buhobe ni veine: . . .

. . . *amu fuyola, mi ali, Ku fuyolwe*. . . *Mulimu muambakani ya pahami, muezi wa lihalimu ni lifasi*: mi kufuyolwe ni Abrahamama yena mutanga Hae.

⁸⁰ Kasamulaho ndwa ifela, foo tulo imano komiwa, kasamulaho wa kutapiswa kueziswa, Melekisedeke akata Abraham mwa libala, ni kutisa buhobe ni veine, mi a mufa bona.

Mi Kimañi? Hakuna ya nali cwalo kufita Yani ya na katani Abrahamama mwa mulaho wa silimo, a yo ina mwatasi a kota ni kuambola ni yena.

⁸¹ Mi yena Melekisedeke yaswana yoo ali, “Hanina kuca se si beiwa ki muselo wa veine kufitela Ni ta si nwa sinca ni mina, Mwa Mubuso wa Ndate, kasamulaho wa kufela kwa ndwa, tulo ha i komilwe.” Kona lu ka yo i nwa sinca mwa Mubuso wa Hae, foo ndwa ya mafelelezo ha se i lwanilwe. Mi mukwale wa mafelelezo ha u so bulaile bumaswe bwa mafelelezo bwa lifasi, mi ni Keleke ya Mulimu yapila se i komile, Krete uka ba katanyeza mwa mbyumbyulu, ni buhobe ni veine, hape, ni kuca mulalelo, mi mwa Kuyakuile kwa Kubateni kwa Ndate.

⁸² Oh, muzamayi ya katezi, busihu boo, kuta kwa Ndu ya Ndate. Zwa mwa Sodoma! U kutisizwe lipilu ka Mali. Mi ona busihu bobunde bo bwa kanya, foo Melekisedeke waluna yomutuna, Ya nasina makalelo a mazazi kamba mafelelezo a bupilo, kono ki Mulena ni Nduna wa kamita ni mita.

⁸³ Moya o Kenile mo busihu cwana usweli kubiza ya si ka piliswa, cwale haiba hauna Kreste busihu boo. Mi cwale ndwa imano fela, haiba ubata ku Mu katanyeza mwa kozo ni kuca mulalelo ni Yena, mi u sepisize kuli wa Mu lata, ni ku ikambusa kwa lika za lifasi. Lwala Evangeli ye buhali ya kale ni nzila ye buhali ya kale, ni kunwela mwa sinwelo sa buhali bwa manyando a lifasi, ni kunwa milyani yebaba ya manyando a lifasi; zeo lifilwe ku luna ki Bibebe kuli lu ka nwa veine yemunati ya Lihalimu zazi leliñwi, ha lu ta Mu kayanyeza mwa kozo mwabuse mwahala Lihalimu ni lifasi, nako Ya taha ku to abela mulaleo. [Hakuna manzwi fa tepu—Mu.]

⁸⁴ Lipilu zaluna ha li nahaniseze taba ye hape yakuli, “Ni ka yo inwa sinca ni mina, mwa Mubuso wa Ndate Kasibili.” Haiba Una ni kutaha Paseka yeñwi isika taha kale, haiba u lukela kushwa Paseka yeñwi isika taha kale, halina kupaliliswa kezahalo tuna yeo. Kakuli Ni bulela, ka Linzwi la Mulena kuli, baba lobezi ku Kreste ba ka zuha pili. Mi luna baba pila mi lusiyala lu ka ngelwa hamoho, nibona, mwa mbyumbyulu, ku yo katanyeza Mulena. Mi Melekisedeke yomutuna wa Lihalimu, Mulena isi wa Jerusalema ya nama, kono Mulena wa Jerusalema ya Lihalimu, ili Jerusalema Yomunca, u ka lu katanyeza, mi lu ka yo tomelwa hape silyela sa veine ni sinkwa.

⁸⁵ Busihu bo luswanela kunga lisupo za se. Lu swanela kueza cwalo kufitela lu Mu katanyeze ha taha hape. Ha lu fumanehe lunze lu sephala halunze luinamisa litho za luna fa nako nyana, kwa linzwi la tapelo.

⁸⁶ Mañi ni mañi muine fela mukuzize mo mukonela, mwa nako yona, yebutokwa ye, ye kenile. Ku bunolo hahulu kuli litaba ze li lu tobele! Bibebe ibulezi kuli, “Kuli lusike lwa latehelwa ki lika zeo, ni kuhana kupilswa ko kutuna cwalo.” Ku bunolo hahulu ku li libala. Ha lu tahangi kwa keleke ku to boniwa. Ha lu telangi ku to utwa muopelelo omunde kamba kutazo yende. Lu taha kwa keleke ku to lapela, ku to lapela Mulimu.

⁸⁷ Mi ufi ni ufi wa luna, mibili yaluna yeshwa ina ni moyo ona ni ku Mu katanyeza zazi leliñwi. Mi bukaufi ni kupazula kwa lizazi tuna la kutakiswa le, mwa kupuzo ya kuya kwa Hae, busihu cwana, haiba ha u Mukreste, yasika amuhela fateni Kreste mwa bupilo bwa hao kuba Mupulusi, kana wa kolwa hande ka ku kutaza kwa Linzwi, mi kana Moya o Kenile uyemi bukaufi ni wena ni kubulela kuli, “Una ni mulatu. Cwale funduka ni kuliba kusili”? Kana u ka ipulela ka kunanula lizoho la hao, uli, “Muzwale Branham ni lapelele kwateni. Na cwale ni tokwa

litapelo za hao kuli Mulimu ani eze ka sishemo”? [Hakuna manzwi fa tepu—Mu.] Kikuli uka nanula lizoho lahao halunze lu libelezi? Mulimu aku fuyole, shaa. Yomuñwi hape?

Mulimu aku fuyole. Mulimu aku fuyole, shaa. Mulimu aku fuyole, mwanana tuwe. Mulimu aku fuyole. Kana kuna ni usili. . . ? Mulimu aku fuyole, kalibe.

⁸⁸ U li, “Muzwale, Branham kana seo si talusa sika kuli ni nanule lizoho laka?” Ki shutano fela mwahala lifu ni Bupilo. Ki nto mañi hape yetuna kufita Bupilo? U lata. . . mutalime ku ze bupiwé. Mwa lata cwalo; ha u tabeli kuba kwahule ni zona.

⁸⁹ Fabuse fela bwa mukwakwa, fa, foo musala munyana ka ha na shwa, kakusasana omuñwi myaha yemiñata kwa mulaho, mi Ruth wa mwanana ha to nanula toho ya hae, mi nekuna ni kambalamatende kene kalulile mwa kota ya cheri, mi na bata kubona ku ka bona hape. . . Mwa na latela ze bupilwe. Kono zazi leliñwi Jesu ha ka taha, u ka utwa linyunywani za Kuyakuile inge liopela. Lipalisa za kamita li ka na lihula. Hakuna ku ba matuku, maswabi, kamba lifu, kakuli na ipumanezi kozo ni Mulimu ni kuamuhela Krete Yana mu shwezi. Ka yona sepiso yende Yesakoni ku palelwa, ya Linzwi la Mulimu lelinde Yena ya sa koni kubulela buhata, yana sepisize Bupilo Bobusafeli ku baba lumela. Ha u nanula lizoho la hao, kubonisa kuli moya o mwahali ku wena u ezize buiketelo. Mulimu aku fuyole, kalibe.

⁹⁰ Sesiñwi ku wena, ki—ki moya. . . Ka sipepo mazoho a hao na bupilwe kuli anyendaelange atalimile fafasi, mi ha u nanula lizoho la hao kuhatelela milao kaufela ya bukiti. Zeo li na ni kuba za buipiteli. Ki—ki ze shutana ni sayansi. . . ni lika za sayansi kuli ulwanise milao ya bukiti. Halikoni kuezahala konji haiba kube ni sesiñwi sa buipiteli. Mazoho a hao akona fela kuinelela fafasi ona cwalo. Kono haiba, mwa pilu ya hao, u lumela likande la Evangeli mi u ezize buiketelo bwa hao busihu boo, kuli ufezani ni sibi, mi ni mwa bunde bwa kuatumela kokunde kwa Kalvari kwa foo kamuso, ka sili kiloko, mwa kupuzo, lu nyakalala lizazi la na shwile Jesu kushwela puluso ya hao. . . Mi unahana hahulu zateni ni Moya o Kenile so tile ku to ngongota mwa pilu ya hao mi cwale se u amuhezi. . .

⁹¹ Wena fela. . . sesiñwi mwa pilu ya hao sili, “Nanula lizoho la hae.” Seo sibonisa kwa sicaba, ni ku Mulimu, kuli wa lumela cwalo ni ku si amuhela. Mulimu amu fuyole, mina banana kaufela: babalalu kamba babane babona kwanu kwa aletare, bashimani babanyinyani ni basizana mwendi ba lilimo ze eiti, ze lishumi zakupepwa, kaufela bona ba nanuzi mazoho abona ka nako yeswana. Jesu naize, “Mutuhele bana babanyinyani kutaha ku na. Musike mwa ba hanisa, kakuli Mubuso ki wa baba cwalo.” Kana kuna ni yomuñwi lu si ka lapela kale?

⁹² Mulimu aku fuyole, kalibe. Yeo kona yaniti. . . Hakulata u ezize lika zeñata, kalibe, mwa bupilo. Yeo neli yaniti; Ni lumela

kuli wena u—u musali ya sephala. Mi hupula, no si ke wakona kunanula lizoho la hao, kezeli yomunde, konji haiba sesiñwi mwahali kuwena, sesiñwi mwatasi mwahali kuwena sibulezi kuli, “Eza cwalo.” Likona kubonahala fela bukuba nyana kwa ngana ya butu, kono muzwale, zazi lani dokota ha zwa mwa munyako ni kubulela kuli, “Ku felile.” Ha ya kwahule ni sinyeho yani mi uhohela mubili nyana wa hao wani kuzwela fande, mali sa bulela kwahule ni pilu ya hao, “Hakusana tuso ya kuangabazwa ka zona; li i congile.” Oh, mawi. Mi ka bunyemi mwa hola iliñwi uka lika kubaka, mi Mulimu abulela kuli, “Mwa makateñi a hao Na seha fela.” Kono ha u sa li mwa munahano wa hao oiketile, haunze uli. . . [Hakuna manzwi fa tepu—Mu.]

⁹³ Ndate, halunze lutisa liñusa le kwa mafelelezo, ni kutulo mwendi ya batu baba lishumi ni baketalizoho cwalo, ba nanuzi mazoho abona, ba babile baezalibi mwa bupilo bwabona kaufela. Mi cwale, ka muhau, U ambozi ku bona, u ba fetulezi kwa mulaho kuitemuna ni kutalimana ni Kalvari, ni kuutwa Manzwi ani ataha kuzwa mwa milomo ya Bana ba Mulimu, “Ndate, ba swalele, ne ba sa zibi se ne basweli kueza.” Kono busihu bo ba amuhezi Evangeli. Lu Mu utwa hana bulezi, ka mazazi nyana a kwa mulaho cwana, “Ya utwa Manzwi a Ka, mi alumela ku Ya Ni lumile, una ni Bupilo bobusafeli; mi hana kutaha mwa katulo, kono sa zwile kwa lifu kutaha mwa Bupiloo.” [Hakuna manzwi fa tepu—Mu.]

⁹⁴ Lu batisa ku Wena busihu boo, Mulena, sina bana ba Hao. Mi limbuyoti za Hao za Kuyakuile liine fahalimwa bona, ka Libizo la Kreste lwa lapela. Ha ba yo taha la Sunda kakusasana, inge balwezi liapalo zabona, bali, “Ni lakaza kufa buipulelo patalaza kwa lifasi le, kuli Ni mulumeli. Ni lakaza cwale ku kolobezwa ka Libizo la Mulena Jesu Kreste; ni biza Yena kuli ani taze ka Moya o Kenile, ni ku ni babalela mwahala bupilo.”

⁹⁵ Fuyola basizana baa, mitangana ba, babahulu, banana, ni kamukana bona, ba tokomele, Ndate, ki ba Hao. Mi mwa miselo ya liñusa le busihu boo, Ni ba tisa ku Wena, sina lituwelo. Mi ba mwa lizoho la Hao, sina limpo za lilato zezwa ku Mulimu, Ndate. Ni lapela kuli U ba babalele mwahala bupilo. Ka Libizo la Jesu Na lapela. Amen. . . ? . . .

⁹⁶ Lu tabile hahulu kuba ni mina mo busihu cwana, mi luna ni tabo kuli mutile. Mi kamuso busihu, Liñusa laluna ki lakuli, kamuso busihu, kaza: *Kupetahala Kwa Mulumeli*. Mi cwale mu yo taha, munze mutaha ni yomuñwi, haiba likeleke zamina halina lisebelezo.

⁹⁷ Mi cwale lu kaba ni mulalelo. Mwendu babañwi ba mina. . . Se ni liyehile nyana fela, ka mizuzu yelikani, mi luka lukulula ba babata ku ya.

⁹⁸ Mi bona baba tabela kuina mwa mulalelo ni kutapa kwa mahutu hamoho ni luna, luna lu lumela handende mwa kueza

kalulo kaufela yeo Jesu na lu siyezi kuli lueze. Mi haiba Ataha mwa lusika lwaka, mi ani lumeleze kupila ni iketile hande ninze ni buluka lilato la Hae mwa pilu yaka, Ni kana ni lika mo ni konela kueza kaufela zona, ni kufumanwa nili ya sepahala fa sibaka. Mulimu ami fuyole cwale.



MULALELO LOZ57-0418

(The Communion)

MUKOLOKO WA LISEBELEZO ZA PASEKA

Liñusa le ka Muzwale William Marrion Branham, neli kutalizwe lwa pili mwa Sikuwa la Bune manzibwana, Lungu 18, 1957, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org